

Muzafer Brigić, dipl. oec. - Magistarski rad

Fakultet/Akademija	EKONOMSKI FAKULTET
Tip Rada	Magistarski rad
Kandidat, zvanje	Muzafer Brigić, dipl. oec.
Naziv Teme	Utjecaj intrapoduzetništva na rast proizvodnih preduzeća u Federaciji Bosne i Hercegovine
Rezime/Abstract	<p>Magistarski rad pod naslovom „Utjecaj intrapoduzetništva na rast proizvodnih preduzeća u Federaciji Bosne i Hercegovine“, urađen je na 147 stranica A4 formata, od čega se 132 stranice odnose na osnovni tekst uvod i zaključak, 4 stranice na popis korištene literature, te 3 stranice na popis slika, grafikona i tabela. Pored toga, magistarski rad sadrži i jedan prilog na 9 stranica. U toku istraživanja korištene su 32 knjige, 28 studija/članaka, 3 zakona, 2 doktorske disertacije, 1 magistarski rad i 3 istraživačka rada. Osim navedenog u istraživanju su korišteni internet izvori kao i podaci iz AFIP-ove baze podataka. Od ukupnog broja korištenih bibliografskih jedinica značajan dio je sa anglosaksonskog govornog područja i napisan je od strane vodećih autoriteta iz oblasti koja je predmet istraživanja. Pri tome je potrebno naglasiti da se pretežno radi o referencama novijih datuma. Strukturu magistarskog rada, pored uvoda, zaključka, popisa korištene literature i priloga, čini četiri dijela, u kojima je sadržano 11 slika, 6 grafikona i 33 tabele. Rad je baziran na provođenju istraživanja koje će izmjeriti nivo intrapoduzetničkih aktivnosti i njihovu povezanost sa pokazateljima rasta proizvodnih preduzeća u Federaciji Bosne i Hercegovine i na osnovu toga definisati preporuke za implementaciju intrapoduzetničkih aktivnosti koje će imati utjecaja na rast proizvodnih preduzeća. U radu je postavljena i potvrđena centralna istraživačka hipoteza koja glasi: Implementacija intrapoduzetničkih aktivnosti pozitivno utječe na rast proizvodnih preduzeća. U teorijsko-metodološkom smislu, naučni doprinos predmetnog magistarskog rada ogleda se u sljedećem: - naučno utemeljenoj sistematizaciji i analizi dosadašnjih teorijsko-metodoloških saznanja o intrapoduzetništvu i njegovom utjecaju na rast preduzeća, - na temelju recentnih izvora koncizno su utvrđene teorijske osnove nastanka, razvoja i dimenzija intrapoduzetništva kao oblika poduzetništva, - prezentirani su modeli uvođenja intrapoduzetništva u preduzeća, - objašnjene su faze procesa intrapoduzetništva i utvrđene pretpostavke intrapoduzetničkog djelovanja, - prezentiran odnos zaposlenih prema intrapoduzetništvu, - obrazloženo je intrapoduzetništvo kao način rasta preduzeća, - identificirane su koristi i nedostaci intrapoduzetništva. Aplikativni naučni doprinos predmetnog magistarskog rada ogleda se u sljedećem: - Utvrđivanju značaja intrapoduzetničkih aktivnosti u cilju rasta preduzeća. - Sagledavanju trenutnog nivoa implementacije intrapoduzetničkih aktivnosti u velikim proizvodnim preduzećima u Federaciji Bosne i Hercegovine. - Identificiranju nužnih elemenata neophodnih za uspostavljanje i snažniju implementaciju intrapoduzetničkih aktivnosti u preduzećima u Bosni i Hercegovini. - Utvrđivanju utjecaja intrapoduzetničkih aktivnosti kroz elemente inovativnosti i autonomnog djelovanja na rast proizvodnih preduzeća posmatran kroz pokazatelje broja zaposlenih, vrijednosti imovine, vrijednosti prihoda i neto profita. - Praktičnom aspektu utvrđivanja utjecaja intrapoduzetništva na pokazatelje rasta proizvodnih preduzeća koristeći se statističkim metodama. - Identificiranju mogućih daljih pravaca istraživanja koji bi u još većoj mjeri pokazali utjecaj intrapoduzetničkog djelovanja na rast proizvodnih preduzeća. Ključne riječi: poduzetništvo, poduzetnik, intrapoduzetništvo, intrapoduzetnik, dimenzije intrapoduzetništva, modeli intrapoduzetništva, faze procesa intrapoduzetništva, inovativnost, kreativnost, autonomnost djelovanja, pokazatelji rasta, vrijednost imovine, vrijednost prometa, profit, broj zaposlenih.</p>
Datum	22.12.2012
Predsjednik	Dr sc. Adil Kurtić, redovni profesor, uža naučna oblast „Menadžment i upravljanje“, Ekonomski fakultet Univerziteta u Tuzli
Mentor	Dr sc. Bahrija Umihanić, vanredni profesor, uža naučna oblast „Menadžment“ (Menadžment i upravljanje), Ekonomski fakultet Univerziteta u Tuzli
Član komisije	Dr sc. Zijad Džafić, vanredni profesor, uža naučna oblast „Ekonomska teorija i politika“, Ekonomski fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	22.12.2012. godine u 09,00 sati u amfiteatru Ekonomskog fakulteta Univerziteta u Tuzli
Završne Odredbe	Pristup javnosti je slobodan. Magistarski rad se može pogledati u Sekretarijatu fakulteta svakim radnim danom od 08,00-16,00 sati.